

中國方志叢書·華中地方·第八四四號

據

清·陳廷枚等修，熊曰華等纂
清乾隆二十五年刊本

影印

江 西 省

袁州府志



成文出版社有限公司印行

本書承

日本國會圖書館以所藏稿本借攝
謹誌並致謝忱

乾隆庚辰修

亭州府志

卷之五



重修袁州府志序

袁郡之有志也自宋嘉定始也
其前不可得聞矣嘉定原本則
又明嘉靖丙午間嚴少師秉政
時得諸秘閣與二三太史合前
後志而纂輯成書者也厥後黃

公鳴爵之重修廖公文英之續
刻吳公泰巖之補刊其書今概
無傳焉追我

朝康熙丁未前守李公芳春覩舊
志殘缺於是採摭遺文旁收廣
攬與湖西監司施愚山先生手
自裁定頗稱完備迄今已九十

餘年矣歲己亥予奉

命來守是邦首即索取全志欲以周
覽數千百年之掌故洞觀一郡
四邑之情形奈歲月以遠字畫
漫滅因思表為江右名郡山川
風俗之英人物文章之盛韓李
二公實所培植盧鄭諸先輩後

先輝映其間惟是舊志修於兵
燹之後載籍散佚蒐羅匪易前
人如意搜求展轉八九年間猶
不能無缺遺之嘆况閱茲九十
餘年之久缺焉無紀則一切事
跡其不滅沒於荒烟蔓草間者
幾希矣當是時予方心識焉而

未逮而修廢舉墜實未嘗一日
去諸懷夫志猶史也所以紀實
也事不用見耳聞洞悉本末而
驟欲於殘編斷簡中撿其梗槩
文書案牘內僅取大端則不全
不脩其所遺漏缺畧者又豈可
勝道哉予自履任以來歷今五

稔四境之風土宛然在目也山川里道之夷險人物戶口之豐繁固一一身歷之而親見之也士敦廉介之守女尚節烈之操聞風而想見其人考行而更著其實也布帛菽粟而外別無珍奇桑麻耕讀之業共相保聚是

故闢一郡之風氣好尚五年之
中其所得諸耳聞目見及所默
識而心存者蓋不待披圖索記
而一一能言其所以然然則斯
志之修所以必待諸今日而不
敢驟舉者非較緩也况蒞任之
初郡署之重葺昌黎書院之增

修學宮之整理城垣之建築渠
道之修復諸工繼作經費維艱
而絲毫不以勞吾民蓋又不得
不有所待也及今各工就緒年
穀屢登閭閻無事政務肅清蓋
欲與二三僚屬及四邑之紳士
共遊客簪筆於太平之歲月以

樂觀斯舉之成也爰捐廉俸若
干以為之倡而闔郡僚屬文武
及四邑之紳士大夫咸謂百年
曠典欣然共勩盛事事固有所
待而後起時固有所迫而後應
非偶然也是舉也始事於秋八
月竣事於冬十二月中間五閱

月凡一帙成予繙閱再四闕者
補之訖者正之續增者釐定之
而人物一志尤絲毫不敢假借
務期懸諸國門俾無遺議稿成
凡若干卷繕呈

大憲鑒定荷蒙獎借命付剞劂予
思袁據江右上游萬疊巔岼江

流如帶烟火相望鷄犬之聲相聞民生其間食舊德而服先疇其熙熙然相忘於化日光天之下而不自知者蓋經我聖朝百有餘年之厚澤深仁涵濡養育而後得此於民也用是與諸君子藉手一日以上答

聖主擢用之恩仰酬各

大憲優容之德以盡吾心焉後之

守斯土者覽斯編其亦知予今


日之心也夫

時

乾隆二十五年歲次庚辰仲春月

知江西袁州府事加二級紀錄

五次蕭山陳建枚撰



卷之六